

## "Газбен жабдықтау жүйелерінің қауіпсіздігіне қойылатын талаптар" техникалық регламентін бекіту туралы

### ***Күшін жойған***

Қазақстан Республикасы Үкіметінің 2009 жылғы 6 наурыздағы № 259 қаулысы. Құші жойылды - Қазақстан Республикасы Үкіметінің 2017 жылғы 30 қаңтардағы № 29 қаулысымен.

**Ескерту. Құші жойылды – КР Үкіметінің 30.01.2017 № 29 (алғашқы ресми жарияланған күнінен бастап қолданысқа енгізіледі) қаулысымен.**

"Техникалық реттеу туралы" Қазақстан Республикасының 2004 жылғы 9 қарашадағы Заңын іске асыру мақсатында Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған "Газбен жабдықтау жүйелерінің қауіпсіздігіне қойылатын талаптар" техникалық регламенті бекітілсін.

2. Осы қаулы алғаш рет ресми жарияланған күнінен бастап алты ай өткен соң қолданысқа енгізіледі.

Қазақстан Республикасының

Премьер-Министрі

К. Мәсімов

Қазақстан Республикасы  
Үкіметінің  
2009 жылғы 6 наурыздағы  
N 259 қаулысымен  
бекітілген

## **"Газбен жабдықтау жүйелерінің қауіпсіздігіне қойылатын талаптар" техникалық регламенті**

### **1. Қолданылу саласы**

1. Осы "Газбен жабдықтау жүйелерінің қауіпсіздігіне қойылатын талаптар" техникалық регламенті (бұдан әрі - Техникалық регламент) "Қауіпті өндірістік объектілердегі өнеркәсіптік қауіпсіздік туралы" Қазақстан Республикасының 2002 жылғы 3 сәуірдегі Заңына сәйкес әзірленді.

2. Техникалық регламенттің талаптары мынадай газбен жабдықтау жүйелеріне:

- 1) кент аралықтарды қоса алғанда, елді мекендердің сыртқы газ құбырларына;
- 2) газбен жабдықтау жүйелерінің сыртқы (алаңқышлік) газ құбырларына және газ жабдығына (техникалық құрылғылар);

3) редуцирлеу және компримирлеу, тазарту, құрғату, жылыту блоктарын және сұғы компрессорлық станцияларын қоса алғанда, жылу электр станцияларын газбен жабдықтау жүйелерінің сыртқы газ құбырлары мен газ жабдығына (техникалық құрылғылар), оның ішінде газ турбиналық және бу-газ қондырғыларына, газды дайындау пункттеріне 1,6 МПа-дан астам газ қысымы бар газ құбырларына;

4) газ реттеуіш пункттерге, газды реттеуіш блокты және шкафты газды реттеуіш пункттерге;

5) газ құбырлардағы ғимараттар мен құрылыштарға қолданылады.

3. Осы Техникалық регламенттің әрекетімен қамтылатын өнімнің түрлері және Қазақстан Республикасы Сыртқы экономикалық қызметінің тауар номенклатурасының жіктеуіші бойынша олардың кодтары (бұдан әрі - СЭҚ ТН) осы Техникалық регламентке 1-қосымшада көрсетілген.

4. Техникалық реттеу объектілері болып оларға қатысты белгіленетін осы Техникалық регламенттің қойылатын талаптары мыналар болып табылады:

- 1) 1-санатты жоғары қысымды газ құбырлары (0,6-дан астам 1,2 дейінгі МПа-ны қоса алғанда);
- 2) 2-санатты жоғары қысымды газ құбырлары (0,3-тен астам 0,6 дейінгі МПа);  
;
- 3) орташа қысымды газ құбырлары (0,005-тен астам 0,3 дейінгі МПа);
- 4) төмен қысымды газ құбырлары - 0,005-ке дейінгі МПа-ны қоса алғанда.

5. Техникалық реттеу объектілерін бірдейлендіру осы Техникалық регламентке 2-қосымшада берілген.

6. Осы Техникалық регламент:

- 1) автомобильді, газ толтырғыш, компрессорлық станцияларға;
- 2) металургиялық өндірістердің технологиялық (алаңқашлік) газ құбырлары мен газ жабдықтарына;
- 3) магистралды газ құбырлары мен 1,2 МПа-дан жоғары газ қысымы бар газ құбырларына-бұрғыштарына;
- 4) шикізат ретінде табиғи газды пайдаланатын химиялық, мұнай-химиялық, мұнай өндіретін, мұнайды қайта өндейтін және газды қайта өндейтін өндірістердің технологиялық (алаңқашлік) газ құбырлары мен газ жабдығына;
- 5) газ өндіретін өндірістердің технологиялық (алаңқашлік) газ құбырларына және газ жабдығына;
- 6) сұйылтылған көмірсугекті газдарды (пропан-бутан) сактау, тасымалдау және пайдалану объектілеріне;
- 7) газ пайдаланатын жылжымалы қондырғыларға, сондай-ақ автомобильді, темір жол көлігінің, ұшу аппараттарының, өзен және теңіз кемелерінің газ жабдығына;

8) өскери мақсаттағы арнайы газ және газ пайдаланатын қондырғыларға;

9) эксперименталды газ құбырлары мен газ жабдығының тәжірибелік үлгілеріне;

10) газ-аяу қоспаларының жарылыс энергиясын пайдаланатын немесе қорғау газдарын алуға арналған қондырғыларға;

11) тамақ дайындау немесе зертханалық мақсаттар үшін газды пайдаланатын өндірістік, әкімшілік, қоғамдық және тұрмыстық ғимараттардың ішкі газ құбырлары мен газ жабдықтарына;

12) орнатылған жабдықтың жиынтық жылу қуаты кемінде 100 кВт болған кездегі өндірістік мақсаттар және (немесе) қызметтер көрсету үшін жылу энергиясын шығаруызы әкімшілік, қоғамдық және тұрмыстық ғимараттардың дербес жылыту мен ыстық сумен жабдықтау жүйелеріне қолданылмайды.

## **2. Терминдер мен анықтамалар**

7. Осы Техникалық регламентте "Қауіпті өндірістік объектілердегі өнеркәсіптік қауіпсіздік туралы" Қазақстан Республикасының Заңына сәйкес терминдер мен анықтамалар, сондай-ақ мынадай терминдер қолданылады:

1) алаңғышілік газ құбыры - кәсіпорынның өндірістік аумағы ішінде тұрған өнеркәсіптік тұтынушыға газ беруді қамтамасыз ететін таратқыш газ құбырының участкесі;

2) таратқыш газ құбыры - газбен жабдықтау көзінен газ құбыры-енгізгіштерге дейін газды тұтынушыларға газ беруді қамтамасыз ететін газ тарату торабының газ құбыры;

3) газбен жабдықтау жүйесі - газ құбырлары, газ толтыру станциялары, газ толтыру пункттері, топтық резервуар қондырғылары, газ баллонды қондырғылар, газ құбырларымен жұмыс істейтін құрылыштар, электр-химиялық тот басудан қорғау құралдары, өнеркәсіптік және ауыл шаруашылығы кәсіпорындары, қазандықтардың, тұрмыстық қызмет көрсету кәсіпорындары ғимараттарының, қоғамдық ғимараттар мен тұрғын үйлердің газ жабдығы;

4) енгізбе газ құбыры - ғимарат қабырғасы арқылы футлярға салынған газ құбырын қоса алғанда, ғимаратқа енгізбеде сырттан орнатылған ажырату құрылғысынан бастап (ол ғимарат сыртында орнатылған кезде) ішкі газ құбырына дейінгі газ құбыры участкесі;

5) газ тарату тораптары - газды қабылдау (беру) пунктінен бастап тұтынушыға дейін газды беруді қамтамасыз ететін қалалық, кент аралық, кенттік, ауылдық, көшелік, аула газ құбырлары;

6) газ құбыры - енгізбе-тарату газ құбырына қосылған жерден бастап ғимаратқа енгізбедегі ажырату құрылғысына дейінгі немесе ғимаратқа енгізу кезінде жерастымен жүргізілген футляр алдындағы газ құбыры;

7) газды пайдалану қондырғылары - отын ретінде газды пайдаланатын қазандықтар, өндірістік пештер мен басқа да құрылғылар;

8) газ реттеуіш пункті - газ қысымын төмендетуге және газ тарату тораптарында оны берілген деңгейде ұстап тұруға арналған технологиялық құрылғы;

9) газ реттеуіш блокты пункті - газ қысымын төмендету үшін және газ тарату тораптарында оны берілген деңгейде ұстап тұруға арналған тасымалдауға жарамды блокпен орындалған толық зауыттық дайындықтағы технологиялық құрылғы;

10) газды тасымалдау - газ тасымалдау жүйесімен газды қабылдау, өткізу және беру;

11) газбен жабдықтау жүйелерін консервациялау - консервациялаудан алу кезінде одан әрі пайдалану үшін оның жұмыс қабілеттілігін қамтамасыз ете отырып, газ құбырын пайдалануды уақытша тоқтату;

12) газбен жабдықтау жүйелерін жою - газ құбыры жүйелерін пайдалануды тоқтату, оларды бөлшектеу және табиғи ортаны қалпына келтіру;

13) газ тарату станциясы - қысымның төмендеуін қамтамасыз ететін магистралды газ құбырының бүрғыш газ құбырында монтаждалатын құрылыш;

14) газ тарату ұйымы - меншігінде немесе өзге де занды негіздерде олардағы қолда бар газ тарату тораптарын, құрылыштарды дамытумен және пайдаланумен айналысадын, қызметтің осы түрі бойынша қолда бар лицензия негізінде бұл тораптар арқылы газды тасымалдау бойынша қызметтер көрсететін ұйым;

15) газды тасымалдау ұйымы - меншігінде немесе өзге де занды негіздерде оларда магистралды газ құбырлары мен бүрғыш газ құбырлары, құрылыштары бар, қызметтің осы түрі бойынша қолда бар лицензия негізінде бұл лицензия арқылы газды тасымалдау бойынша қызметтер көрсететін ұйым;

16) жерасты газ құбыры - жер бетінің деңгейінен төмен жерге салынған, сондай-ақ жер беті бойынша үйіндідегі (үймедегі) сыртқы газ құбыры;

17) Жер үстіндегі газ құбыры - тіректерде, эстакадаларда немесе ғимараттар мен құрылыш конструкциялары бойынша, сондай-ақ жер бетімен топырақ үймесіз жер бетінде салынған сыртқы газ құбыры;

18) қосылыш деталдары (фитингтер) - газ құбырының бағытын өзгертуге, тармақтарды жалғастыруға, участкерді қосуға арналған газ құбырының элементтері;

19) кент аралық газ құбыры - кент аумағынан тыс салынған газ тарату құбыры;

20) сыртқы газ құбыры - енгізбе газ құбыры алдындағы ажырату құрылғысына немесе ғимаратқа енгізу кезінде жерастымен жүргізілген футлярға дейінгі ғимараттардан тыс салынған жерасты және жер үсті газ құрылғы;

21) шкафты газ реттеуіш пункті - газ қысымын төмendetуге және газ тарату тораптарда оны берілген деңгейде ұстап тұруға арналған шкаф түріндегі технологиялық құрылғы;

22) ішкі газ құбыры - газ құбыры-енгізбеден (ажырату құрылғысы ғимарат ішінде орнатылған кезде) бастап немесе енгізбе газ құбырынан бастап ғимарат ішінде орналасқан газ пайдаланатын жабдықты қосу орнына дейінгі газ құбырының учаскесі.

### **3. Газбен жабдықтау жүйелерін пайдалануға рұқсат беру**

8. Қазақстан Республикасының газбен жабдықтау жүйелерін пайдалануға рұқсат беру " Техникалық реттеу туралы " 2004 жылғы 9 қарашадағы және " Қауіпті өндірістік объектілердегі өнеркәсіптік қауіпсіздік туралы " 2002 жылғы 3 сәуірдегі Зандарына сәйкес жүргізіледі.

9. Газбен жабдықтау жүйелерінің объектілері үшін материалдарды, техникалық құрылғыларды жеткізу кезінде оларды мемлекет пен дайындаушының атауын, рұқсат берілетін пайдалану мерзімін, қолдану шарттарын көрсете отырып, мемлекеттік және орыс тілдеріндегі ақпаратпен қамтамасыз ету көзделеді.

### **4. Жобалау кезіндегі қауіпсіздік талаптары**

10. Газбен жабдықтау жүйелерін жобалау кезінде қоршаған ортаны қорғау, ерт қауіпсіздігін қамтамасыз ету және техногендік төтенше жағдайлардың пайда болуының алдын алу жөніндегі іс-шаралар көзделеді.

11. Ерекше жағдайлары бар аумақтарда орналасқан газбен жабдықтау жүйелерін жобалау жергілікті жер бедерімен, топырақтың геологиялық құрылымымен, гидрогеологиялық режиммен, аумақты дайындаумен, климаттық және сейсмикалық жағдайлармен, сондай-ақ басқа да әсерлермен және олардың уақыт ішінде өзгеру мүмкіндігімен байланысты олардың газ құбырына әсер етуінің болуы және маңызын ескере отырып, жүзеге асырылады.

12. Қабылданған жобалық шешімдермен үздіксіз және қауіпсіз газбен жабдықтау әрі газды тұтынушыларды жедел ажырату мүмкіндігі қамтамасыз етіледі.

13. Газбен жабдықтау жүйелері үшін жобалық құжаттама даму перспективасында газ тұтыну тенгерімінің есебін және оларды жүргізу инженерлік іздестіру бағдарламасында белгіленген инженерлік іздестіру

нәтижелерін, түрлерін, құрамын, көлемі мен әдістерін ескере отырып, газ құбырларының гидравликалық есебін қамтитын әзірленген схема негізінде орындалады.

14. Жобалау апattар қauіpі мен тәуекел деңгейін талдау нәтижелерін, олармен байланысты төтенше жағдайларды және адамдарға, газбен жабдықтау жүйелерін пайдалану, консервациялау және жою кезінде материалдық объектілер мен қоршаған ортаға өзге де қолайсыз әсер етулерді ескере отырып, жүзеге асырылады.

15. Газбен жабдықтау жүйелерін пайдаланудың қатерін талдау кезінде, жобалық құжаттамада олардың негізінде бұл апattардың салдарын төмендету және апattардың өршу мүмкіндігін барынша азайту үшін шаралар көзделетін апattардың ықтимал сценарийлері мен штаттан тыс жағдайлар көзделеді.

16. Жобалық құжаттамада:

1) мүмкіндігінше газбен тұтынушыларды жедел ажырату бойынша;

2) апattарды жою үшін жағдайлар жасау бойынша;

3) газды тасымалдау үдерістеріне бөгде тұлғалардың заңсыз араласу мүмкіндігін болдырмау бойынша;

4) газбен жабдықтау жүйелерінің сақталуын қамтамасыз ету бойынша ұйымдастырушылық және техникалық шешімдер көзделеді.

17. Газ құбырларын жобалау кезінде беріктілік пен орнықтылыққа арналған есеп орындалады, оның мақсаты газ құбырларында рұқсат етілмейтін кернеу мен деформациялардың пайда болу мүмкіндігін болдырмау болып табылады. Газ құбырлардың беріктілік пен орнықтылыққа арналған есебі газ құбырлардың тұтіктері қабырғаларының және қосу деталдарының қалындығын, тіректер немесе кронштейндер арасындағы арақашықтықты айқындауды және жұмыс істеп тұрған газ құбырларына түсетін жүктеме шамасын, уақытын және бағытын ескере отырып, жүргізіледі, оларға мыналар жатады:

1) құбырлар мен оқшаулағышы бар қосылыс деталдарының, құбыр арматурасының меншікті салмағы;

2) газдың салмағы;

3) табиғи сипаттағы жүктемелер (сейсмикалық, топырақ әсерлері, температуралық ауытқулар, жел және қар жүктемелері);

4) техногендік сипаттағы жүктемелер (аумақты дайындау т.б.);

5) топырақтың ерекше жағдайлары ескерілген жүктемелер (отырма, ісінді, ұйықтопырақ және т.б.).

18. Жобалық құжаттамада газ құбырларын пайдалану үдерісінде тұастылық пен тұмшаланудың бұзылуына әкелуі мүмкін газ құбырларын tot басуға қарсы қорғау жөнінде және деформациялардың алдын алу жөнінде іс-шаралар көзделеді.

19. Қауіпсіз пайдалануды қамтамасыз ету үшін газ құбырлары тиек және реттегіш арматуралы мен, сақтандырғыш құрылғылармен, қорғау, автоматтандыру, блоктау және өлшеу құралдарымен жабдықталады.

20. Құбыр арматурасының саны, орнату орны мен түрі газбен жабдықтау жүйелерін қауіпсіз пайдалануды қамтамасыз етуді, оларға қызмет көрсету мен жөндеу қолайлылығын ескере отырып, жобалау сатысында айқындалады.

21. Газ құбырларында құбыр арматурасының тұмшалануы В сыныбынан пайдаланатын қондырғы шілтерлері алдында - А сыныбынан төмен емес сынып таңдалады.

22. Газбен жабдықтау жүйелерін салуға арналған (кеңейту, қайта жаңғырту, техникалық қайта жарақтандыру) жобалық құжаттамаларында осы Техникалық регламенттің талаптарына сәйкес келетін құбырлар мен қосылыс деталдары, материалдар, техникалық құрылғылар, технологиялық құрылғылар мен жабдықтар қолданылады.

23. Техникалық құрылғыларды, материалдарды, құбырлар мен қосылыс деталдары, қорғау жабындыларын, газ құбырларын төсеу түрлерін таңдау газдың температурасы мен қысым шамасын, гидрогеологиялық деректерді, табиғи жағдайларды, техногендік әсерлерді ескере отырып, жүзеге асырылады.

24. Полиэтиленді газ құбырларын салу үшін газды тасымалдауға арналған арнайы мақсаттағы құбырлар қолданылады.

25. Газ құбырларын төсеу түрлері мен тәсілдері, газ құбырларынан бастап жанама инженерлік коммуникацияларға, ғимараттарға, құрылыштарға, табиғи және жасанды бөгеттерге дейін көлденеңі және тігі бойынша арақашықтығы, газды қауіпсіз тасымалдау қамтамасыз етілетіндегі түрде (газ құбырындағы қысымды, құрылыштықтығын, қауіпті өндірістік объектінің жауаптылығын ескере отырып) көзделеді.

26. Сыртқы газ құбырлары мен көпірлер арасындағы көлденеңі бойынша арақашықтық осы Техникалық регламентке 3-қосымшаға сәйкес қабылданады.

27. Газ тарату тораптарының жобалық құжаттамасында сыртқы газ құбырларының жерасты төсемі басымдылықпен көзделуі керек, Жер үсті төсемінің негіздемесі болуы тиіс.

28. Газ құбырларының жерасты төсемі кезінде төсем, беріктік қоры мен тасымалданатын газ түрі шарттары бойынша бұл құбырларды қолдануға болмайтын жағдайларды қоспағанда, полимерлік материалдан жасалған құбырларды көздеуі қажет.

29. Газ құбырларын тоннельдерде, коллекторлар мен арналарда төсеуге рұқсат берілмейді. Бұған автомобиль және темір жолдар астына төселеуден болат газ құбырлары жатпайды.

30. Газ құбырларының жерасты төсеуші газ құбырының немесе футлярдың жоғарысына дейін кемінде 0,8 м терендейтікте жүзеге асыру керек. Көлік және ауыл шаруашылығы машиналарының қозғалысы көзделмеген жерлерде болат газ құбырларын төсеу кемінде 0,6 м терендейтікте жүзеге асырылады.

31. Дірілді жүктемесі бар немесе сейсмикалық аудандарда орналасқан жер үсті газ құбырлары үшін олардың орын ауыстыруын қамтамасыз ететін және тіректерден газ құбырларының лақтырылып тасталуын болдырмайтын бекітуді көздеу керек.

32. Жер үсті газ құбырларын жанбайтын материалдардан жасалған тіректерде, эстакадаларда, өтпе жолдарда төсеу керек.

33. Жер үсті газ құбырлары жоғары вольтты электр тарату желілерімен қиылышу кезінде электр сымдарының олар үзілген жағдайда газ құбырларына құлауын болдырмайтын қорғау құрылғыларымен жабдықталады.

34. Жерасты болат газ құбырларын жобалауға арналған техникалық тапсырмада оны электрлі химиялық тот басудан қорғау жөніндегі бөлім қосылады.

35. Бөгеттер арқылы өтпелі жолдарда қиылышатын құрылыштың сақталуын қамтамасыз ететін орсыз төсеу тәсілдерін қолдану қажет.

36. Автомобиль жолдары, трамвай мен темір жолдар астындағы газ құбырын (футлярын) төсеу терендейтік кемінде мынадай болуы тиіс:

1) жұмысты ашық тәсілмен жүргізген кезде - 1 м;

2) жұмысты басу немесе еңкейтіп-бұрып бұрғылау және қалқанды өткізу әдісімен жүргізген кезде - 1,5 м;

3) жұмысты тесу әдісімен жүргізген кезде - 2,5 м.

37. Су асты өтпе жолдардағы газ құбырлары қиылышатын су бөгеттерінің түбіне терендетіліп төсөледі. Қалқып шығу есептерінің нәтижелері бойынша қажет болғанда газ құбырының балласт жасауы көзделеді.

38. Газ құбырлары су бөгеттерімен қиылышқан кезде:

1) жерасты төсеу тәсілі кезінде - орлардың шайылып кетуін болдырмау бойынша іс-шара;

2) жерасты төсемі үшін - мұжілу құбылыстарына ұшырайтын участеклерден тыс газ құбырларының тіректерін орналастыру көзделеді.

39. Сыртқы газ құбырларын:

1) жерге кіретін және одан шығатын жерлерде;

2) жерасты коммуникациялық коллекторларымен және әртүрлі мақсаттағы арналармен қиылышатын жерлерде;

3) газ құдықтарының қабырғасы арқылы өтетін жерлерде;

4) I-IV санаттағы автомобиль жолдары, темір жолдар мен трамвай жолдары астындағы өтетін жерлерде;

5) ғимарат қабырғасы арқылы енгізілетін газ құбырларының өтетін жерлерінде;

6) жерасты полиэтилен-болат алынбалы қосылыстарында;

7) полиэтилен газ құбырлары мұнай құбырларымен қылышқан кезде футляр ішінде төсеу қажет.

40. Футлярлық бір үшінда, еңістің жоғарғы нүктесінде (құдықтар қабырғаларының қылышу жерлерін және жерге кіретін және шығатын жерлерді қоспағанда) қорғау құрылғысына шығатын және газдың шығуын айқындауға арналған бақылау түтігін орнату көзделеді.

41. Жүргіншілер мен автомобиль көпірлері бойынша жанбайтын материалдардан салынған жіксіз немесе физикалық әдістермен зауыттық дәнекерлеу қосылыстардың бақылаудан 100 % өткен электрлі дәнекерленген құбырларынан жасалған 0,6 МПа-ға дейін қысыммен газ құбырларын төсеуге рұқсат етіледі. Жүргіншілер мен автомобиль көпірлері бойынша жанатын материалдан салынған газ құбырларын төсеуге рұқсат етілмейді.

42. Барлық санаттардағы газ құбырларын:

1) балалар мекемелері, ауруханалар, мектептер, санаторийлер ғимараттарының;

2) адамдар көп келетін (50 адамнан астам) әкімшілік және тұрмыстық ғимараттардың қабырғалары бойынша және жабындарының үстіне транзиттік төсеуге рұқсат етілмейді.

43. Сыртқы газ құбырларында бекіткіш құбырлы арматураны орнатуды:

1) жеке тұрған немесе қоршаған ғимараттардың алдында;

2) сыртқы газ пайдалану құрылғысының алдында;

3) газ реттеуіш пункттердің, газ реттеуіш блокты пункттердің, шкафты газ реттеуіш пункттердің алдында;

4) газ құбырларымен сақиналанған газ реттеуіш пункттерінің шығар жерінде шығуда;

5) газ құбырларынан бастап кенттерге, жекелеген шағын аудандарға, кварталдарға, тұрғын үйлер топтарына тармақтамаларына;

6) су бөгеттерін екі немесе одан астам желілермен қиған кезде;

7) жалпы торап темір жолдарымен және I және II санаттардағы автомобиль жолдарымен қылышқан кезде қарастыру қажет.

44. Эртүрлі мақсаттағы газдалмаған ғимараттардың қабырғалары арқылы газ құбырларын транзиттік төсеу участкерінде бекіткіш құбырлы арматураны орнатуға рұқсат етілмейді.

45. Суы мол топырақтарда газ құбырларын төсеу кезінде газ құбырының жүзбелігін болдырмауды қамтамасыз ететін газ құбырына балласт жасау (топырақпен, жүктөрмен, анкерлермен және с.с) көзделеді.

46. Көшкінді және мұжілуге ұшырайтын участеклерде газ құбырын:

- 1) көшкіннің сырғанау жазығынан (көшкінді участеклер үшін);
- 2) болжанатын шайылу шекарасынан (мұжілуге ұшырайтын участеклер үшін) төмендігі кемінде 0,5 м терендікте төсөледі.

47. Газды реттеуіш пункттерді:

- 1) жеке тұратындай;

2) газ жүргізілген өндірістік ғимараттарға, қазандықтарға және қоғамдық ғимараттарға жапсарлас, өндірістік мақсаттағы үй-жайлар жағынан;

3) бір қабатты, газ жүргізілген, өндірістік ғимараттарда және қазандықтарда (жертөле және іргелік қабаттарда орналасқан үй-жайлардан басқа) салынатындай;

4) өнеркәсіптік кесіпорындардың аумағында қалқа астында ашық қоршалған аландарда ғимараттан тыс орналастыру қажет.

48. Блокты газ реттеуіш пункттерді жеке тұратындай орналастыру қажет.

49. Шкафты газ реттеуіш пункттерді:

- 1) жеке тұратын тіректерде;

2) кіретін қысымы 0,6 МПа-дан жоғары шкафты газ реттеуіш пункттерін қоспағанда, оларға газ жүргізуге арналған ғимараттардың сыртқы қабырғаларында орналастыру қажет.

50. Газ реттеуіш пункттерді газ пайдаланылатын қондырғылар орнатылатын үй-жайларда немесе олармен ашық ойықтармен біріктірілген жанама үй-жайларда орналастыруға рұқсат етіледі. Газ реттеуіш пункттерге ену кезіндегі газ қысымы 0,6 МПа-дан аспауы тиіс.

51. Газ реттеуіш пункттерді жарылыс-өрт және өрт қауіптілігі бойынша А және Б санаттарындағы үй-жайларда орналастыруға жол берілмейді.

52. Газ реттеуіш пункттерде, блокты газ реттеуіш пункттерде, шкафты газ реттеуіш пункттерде мынадай техникалық құрылғыларды:

- 1) сұзгіні;
- 2) сақтандырғыш бекіткіш клапанын;
- 3) газ қысымын реттеуішті;
- 4) сақтандырғыш лақтырғыш клапанды;
- 5) құбырлы бекіткіш арматураны;
- 6) бақылау-өлшеу құралдарын;
- 7) үрлеу және лақтыру құбырларын;

8) онда тізбектесе орналасқан екі ажыратқыш құрылғылары бар айналма құбырды (байпасты) немесе редуциялаудың резервті желісін орнату көзделуі тиіс

53. Үрлейтін құбырларды:

- 1) енгізбе газ құбырында - бірінші ажыратқыш құрылғыдан кейін;
- 2) байпаста (айналма газ құбырында) - екі ажыратқыш құрылғы арасында;

3) алдын ала тексеру мен жөндеуді жүргізу үшін ажыратылатын техникалық құрылғылары бар газ құбырлары участкесінде көздеу қажет.

54. Сақтандырғыш лақтырғыш клапандарда лақтыратын құбырларды көздеу қажет.

55. Газ реттеуіш пункттерге, блокты газ реттеуіш пункттерге және шкафты газ реттеуіш пункттерге жобалық құжаттамада найзағайдан сақтау, жерге қосу, желдеткіш құрылғылары көзделеді.

56. Ишкі газ құбырларындағы газ қысымы дайындаушы белгілейтін параметрлерге сәйкес, осы Техникалық регламентке 4-қосымшада келтірілген мәндерден жоғары емес газ пайдаланушы қондырғылардың тұрақты жұмысын қамтамасыз етеді.

57. Ишкі газ құбырларын:

1) жарылыс-өрт және өрт қауіптілігі бойынша А және Б санаттарына жататын үй-жайларда;

2) үй-жайлардың жарылу қауіпі бар аймақтарында;

3) жертөле, іргелік қабаттарда және технологиялық жер үнгірлерде (төсеу технологиялық үдеріспен шарттасқан жағдайларды қоспағанда);

4) жарылыс қауіпті және жанатын материалдардың қойма үй-жайларында;

5) кіші станция және таратқыш құрылғылар үй-жайларында;

6) желдеткіш камералар, шахталар, арналар арқылы;

7) лифттердің шахталары және баспалдақ торлары, қоқыс жинағыш үй-жайлар, тұтін жолдары арқылы;

8) газ құбыры материалының тот басуын туғызатын агрессивті заттардың газ құбырына әсер етуі мүмкін болатын үй-жайлар арқылы;

9) газ құбырлары жанатын ыстық өнімдер астында қалуы немесе қыздырылған немесе балқытылған металдармен жанасуы мүмкін жерлерде төсеуді қарастыруға жол берілмейді.

## **5. Құрылыс, қайта жаңғырту, кеңейту және техникалық қайта жарақтандыру кезіндегі қауіпсіздік талаптары**

58. Газбен жабдықтау жүйелерінің объектілерін салуды Қазақстан Республикасының " Қазақстан Республикасындағы сәулет, қала құрылышы және құрылыс қызметі туралы " 2001 жылғы 16 шілдедегі және " Қауіпті өндірістік объектілердегі өнеркәсіптік қауіпсіздік туралы " зандарына сәйкес орындау қажет.

59. Жобалық құжаттамалық талаптарынан ауытқуды:

1) жобалау ұйымымен;

2) пайдалануға беру ұйымымен келісу қажет.

60. Құрылыс салу сатысында:

1) жобалық құжаттамада көзделген техникалық шешімдерді;

2) жабдықты, техникалық құрылғыларды, газбен жабдықтау жүйелеріне арналған құбыр мен қосылыс деталдарын дайындаушылардың пайдалануға беру құжаттамасының талаптарын;

3) жұмыстарды жүргізу жобасына сәйкес құрылыс жұмыстарын жүргізу технологияларын сақтауды қамтамасыз ету қажет.

61. Газ құбырларын төсеу кезінде:

1) газ құбырының үстіндегі беттерінің, оқшаулағыш жабындарының және қосылыстарының сақталуы;

2) газ құбырының ор түбіне тығыз жатқызылуы;

3) газ құбырының жобалық жағдайы қамтамасыз етіледі.

## 6. Пайдалану кезіндегі қауіпсіздік талаптары

62. Сыртқы газ құбырларын және құрылыштарын қауіпсіз пайдалануды қамтамасыз ету мақсатында оларды газбен жабдықтау жүйесін пайдаланатын ұйым мынадай қауіпсіздік талаптарын орындаиды:

1) газ иісінің қарқындылығын (жітілігін) 3-4 балл шегінде газ тарату торабының соңғы нүктелерінде (тұтынушыда) газды тасымалдау ұйымымен қамтамасыз етеді;

2) бақылау пункттері, сынамаларды таңдау кезеңділігі, сондай-ақ газ иісінің қарқындылығын газ тарату ұйымдары айқындаиды;

3) газ тарату станциясынан шығудағы газ қысымы мен сапасының шамасы жобада айқындалған атаулы деңгейде ұсталады;

4) газ тарату ұйымдары тұтынушыдағы газдың нормативті қысымын қамтамасыз етеді, қажет болғанда газ тарату станциясынан кейін газ қысымының телеметрикалық бақылауын жүзеге асырады;

5) газ құбырларында орнатылған бекіткіш арматура мен компенсаторлар жыл сайын техникалық қызмет көрсетуге және қажет болғанда - жөндеуге түседі.

63. Жер үсті газ құбырларын пайдалануға беретін ұйымдар мыналарға:

1) газдың шығуына;

2) газ құбырларының тіректер шегінен асып кетуіне;

3) газ құбыр дірілінің, жапырылуының, рұқсат етілмейтін иілуінің, тіректердің отыруының, майысуы мен зақымдануының болуына;

4) сөндіру құрылғыларының және оқшаулағыш ернемекті

қосылыстардың, электр өткізгіштердің, бекіткіштер мен газ құбырлардың бояуының түсінен қоргайтын қуралдардың ақаулығына;

5) автокөлік жүретін жерлердің өтпе жолдарында электр химиялық қорғау құрылғылардың және ауқымды белгілердің сақталуына мониторинг жүргізу және оларды уақтылы жоюы керек.

64. Жерасты газ құбырларын пайдалануға беру үйымдары мыналарға:

1) газ құбырының трассасында газдың шығуына;

2) қабырғалардағы көрсеткіштердің, құрылыштардағы бағдарлардың бүлінуіне ;

3) электр химиялық қорғау жұмысындағы ақаулыққа мониторинг жүргізуі және уақытылы жоюы қажет.

65. Жерасты мен жер үсті газ құбырларын пайдалануға беру үйымдары мыналарды:

1) топырақ жағдайларына мониторинг жүргізуі (топырақтың көтерілуін, отыруын, көшкіндерді, құлауы мен мұжілуін, газ құбырының су тасқынымен немесе жаңбыр суларымен шайылуын анықтау);

2) газ құбырларының зақымданулардан сақталуын қарастыратын құрылыш жұмыстарын жүргізу жағдайларын бақылауы қажет.

66. Жерасты газ құбырларының трассаларын аралап шығу кезеңділігі олардың техникалық жағдайларына, электр қорғау қондырғылардың болуы мен тиімділігіне, газ құбырының қысымы, топырақ үйіктігі, отыруына және ісіну деңгейі бойынша санатына, тау жұмыстарына, ауданның сейсмикалығына, жердің сипаты мен ондағы құрылыш салыну тығыздығына, жылдың мезгіліне және басқа да факторларға байланысты, бірақ осы Техникалық регламенттің 5-косымшасында келтірілген кезеңдіктен жиі емес белгіленуі қажет.

67. Газ таратушы үйымдар газ құбыры трассасында құрылыштардың газдануы немесе газдың шығуы байқалған жағдайларда:

1) апарттық диспетчерлік қызметтерге жедел түрде хабарлауы;

2) газдалуы және ашық отты, электр құралдарын пайдалануға жол бермеу және үй-жайлардың ауасын тазарту қажеттігі туралы айналадағы адамдарға ескерту жөнінде шаралар қабылдауы;

3) приборлармен тексеруді және газдалған жертөлелерді, іргелік және бірінші қабаттардағы ғимараттардың, құдықтар мен жерасты құрылыштар (коммуникациялар) камераларының ауасын тазартуды үйымдастыруы қажет.

68. Газ құбыры транзитпен төсөлген аумақтағы үйымның басшылары аралап көру, газ құбырына техникалық қызмет көрсету және жөндеу, апарттық жағдайларды оқшаулау мен жою үшін газ таратушы үйым персоналының кіре алуын қамтамасыз етуі қажет.

69. Газбен жабдықтау жүйелерін қауіпсіз пайдалану мақсатында

ғимараттардың иелері:

1) инженерлік коммуникациялардың енгізбелері мен шығыстарын

тұмшалауды қамтамасыз етуі;

2) жертөлелерді олардың тұрақты желдету мүмкіндігін қамтамасыз ету жағдайында ұстауы қажет.

70. Газбен жабдықтау жүйелерін қауіпсіз пайдалану мақсатында иелері немесе коммуникациялық қызметтер болаттан жасалған жер асты газ құбырларын техникалық тексеру кезінде мыналарды:

1) газ құбырларының тұмшалануын;

2) пісірілген жапсарлардың сапасын;

3) тот басу қауіптілігіне бейімділікті;

4) құбырлардың қорғаныс жабындыларының және металының жай-күйін тексеруі қажет.

71. Газ реттеуіш пункттердің, газ реттеуіш блокты пункттердің, шкафты газ реттеуіш пункттерінің жабдығын қауіпсіз пайдалануды ұйымдастыру мақсатында техникалық қызметті жүзеге асыратын персонал мынадай:

1) тұрмыстық тұтынушылар үшін қалалардың және елді мекендердің газ реттеуіш пункттерінде реттеуіштердің белгіленген баптау өлшемдерін ұстап тұру;

2) реттеуіштен кейін атаулы жұмыс қысымның тиісті мөлшерде артқан кезде сақтандырғыш лақтыру қақпактарынан газдың шығуын қамтамасыз етуі қажет;

3) газды реттеуіш пункттерінен шығу кезінде газ қысымның 10 % аса ауытқуын болдырмау қауіпсіздік талаптарын орындауды қамтамасыз етуі қажет.

72. Қауіпсіз пайдалануды ұйымдастыру мақсатында газды пайдалануши қондырғыларды нормативтік құжаттарда көзделген жағдайларда, газды беруді тоқтататын технологиялық қорғау жүйесімен жабдықтау қажет.

73. Газды пайдалануши қондырғыларды қауіпсіз пайдалануды ұйымдастыру мақсатында оларды іске қосқанға дейін мыналармен:

1) қызмет көрсететін персоналмен;

2) ақаусыз газ жабдығымен және автоматтандыру жүйелерімен;

3) ақаусыз өнеркәсіптік желдету жүйелерімен қамтамасыз етуі қажет.

74. Газбен жабдықтау жүйелерін қауіпсіз пайдалану үшін пайдалануға беру ұйымдары мыналарды:

1) автоматтандыру приборлары мен құралдарын;

2) газ құбырларында және газ пайдалануши қондырғыларда орнатылған блоктау мен сигнализацияны;

3) жарылыс қаупі бар аймақтарда және үй-жайларда электр шынжырлардың қауіпсіз коммутациялау режимін қамтамасыз ететін жарылыстан қорғалған электр жабдықты өндірістік бақылаумен, қызмет көрсетумен, ағымдағы және күрделі жөндеумен қамтамасыз етуі қажет.

75. Газбен жабдықтау жүйелерінің технологиялық үдеріспен басқарудың автоматтандырылған жүйесі автоматтандырылған қызмет көрсету аймақтары

бойынша ақпараттардың дұрыстығы мен сенімді алынуын қамтамасыз етуі қажет

76. Газды пайдалануши қондырғыларды пайдаланудың қауіпсіз үдерісін қамтамасыз ету үшін қолданатын автоматика мыналарды:

1) газды пайдалануши қондырғыны ажыратқан немесе ақауы бар кезде, қол режимімен оған газ беруді блоктау мүмкіндігін;

2) қызмет көрсету персоналының осы үдеріске қатысу мүмкіндігін жоққа шығара отырып, автоматты режимде газды пайдалануши жабдықты пайдалану үдерісін қамтамасыз етуі қажет.

77. Газды тарату ұйымдары мыналарды:

1) газ құбырларын салу кезеңінде де, сол сияқты техникалық қызмет көрсету, ағымдағы және құрделі жөндеу жүргізу кезінде де техникалық іс-шаралардың орындалуын бақылауды;

2) газ құбырларына зиянды әсер ететін және олардың деформациясын тудыратын жүргізілетін және жоспарланған тау-кен жұмыстары туралы мәліметтерді зерделеуді және талдауды;

3) тау-кен өндірістерімен, жоспарлау ұйымдарымен тау-кен әзірлемелерінің зиянды әсерінен пайдаланылатын газ құбырларын қорғау шараларын, сондай-ақ жерасты коммуникациялары мен ғимараттарына газдың енуінің алдын алу жөніндегі іс-шараларды бірлесіп әзірлеуді қамтамасыз етуі қажет.

78. Әлсіз ұйықты, әлсіз ісінетін топырақтарда, жатып қалған үйінді топырақта, сейсмикалығы 6 баллға дейінгі (жер үсті газ құбырлары үшін) және 7 баллға дейінгі (жерасты үшін) аудандарда орналасқан газды тарату ұйымдары мынадай:

1) аралап көруді жүзеге асыру;

2) құбыр мен футляр арасындағы саңылауларға, сондай-ақ компенсатор кернеуінің жай-күйіне бақылау жүргізу;

3) газ құбырының орнынан суды бұру бойынша іс-шараларды көздеу, трассаның сумен толуы мен батпақтануына жол бермеу;

4) құдықтардың, ғимараттардың іргелік және жертөле қабаттарының газдалуына тексеру жүргізу;

5) жауын-шашынмен немесе ұйықтармен пайда болған құдықтардың, құрылыштардың деформациясын, сондай-ақ оларда судың болуын қадағалау қауіпсіздік талаптарын орындауы қажет.

79. Дайындау аумағында орналасқан газды тарату ұйымдарында апатсыз жұмысты қамтамасыз ету үшін мыналарды:

1) тау-кен өндіру кәсіпорындарының жобасы мен іс-шараларына сәйкес газ құбырларын қорғаудың ұйымдастырушылық-техникалық мәселелерін шешуді;

2) газ құбырларының трассасы бойынша тау-кен жұмыстарының жоспарларын талдауды және газ құбырларына дайындау жұмыстарының әсерін жоққа шығаратын немесе азайтатын іс-шаралардың орындалуын бақылауды;

3) жер бетінің өзгеруін бақылау нәтижелері бойынша маркшейдерлік қызметтер ұсынған мәліметтерді жинау, тау-кен өндіру кәсіпорындарымен бірлесіп, жобалау үйымына ұсыну үшін газ құбырларын дайындау кестесін жасауды;

4) тау-кен кәсіпорындарының маркшейдерлік қызметтерімен және жобалау үйымдарымен бірлесіп, тау-кен әзірлемелерінің зиянды әсерінен пайдаланылатын газ құбырларын қорғау шараларын, сондай-ақ жер асты коммуникациялары мен ғимараттарға газ кіруінің алдын алу жөніндегі іс-шараларды әзірлеуді;

5) газ құбырларын салуға, жөндеуге және пайдалануға бақылауды көздеу қажет.

80. Газды тарату үйымдары таулы аудандарда апатсыз жұмысты қамтамасыз ету үшін мыналарды:

1) газ құбырларын сел ағынанан, тау су тасқынанан, қар көшкінінен, жер көшкіні құбылыстарынан, топырақтың құлауынан қорғаудың үйымдастырушылық-техникалық мәселелерін шешуді;

2) газ құбырының трассасына қолайсыз әсерлерді болжау бойынша деректерді жинауды және жобалау үйымымен бірлесіп, олардың газ құбырына әсер етуінің алдын алу бойынша іс-шараларды әзірлеуді;

3) газ құбырлары орларын шайылудан қорғау үшін қарастырылған құрылыштардың сақталуына, ордың көшіндісінің жылжуына, сондай-ақ газ құбырының өзіне тұрақты бақылауды жүзеге асыруды көздеу қажет.

81. Газды тарату үйымдары мыналарды:

1) болаттан жасалған жерасты газ құбырларының қорғау жабындыларын жөндеу жөніндегі шараларды уақтылы қабылдауы;

2) тот басу қауіпті аймақтардың пайда болуының себептерін белгілеуі қажет.

82. Сыртқы (жер үсті) және ішкі газ құбырлары құрылыш ауданындағы және ішкі жұмыстар үшін сыртқы ауаның есептелген температурасына сәйкес келетін температура кезінде сыртқы жұмыстарға арналған бояудың екі қабатымен (бояу, эмаль) сары түске боялуы қажет.

83. Болаттан жасалған жерасты газ құбырларының трассалары газ құбырын тауып алушы қамтамасыз ететін белгілі бір үлгідегі айыру белгілерімен белгіленуі қажет.

## 7. Консервациялау және жою кезіндегі қауіпсіздік талаптары

84. Газды тарату ұйымдары газбен жабдықтау жүйелерінің жекелеген участкерін пайдаланудан шығарған кезде тұтынушыларға газды үздіксіз беруді және объектіні консервациялау және жою жөніндегі жұмыстарды қауіпсіз жүргізуі қамтамасыз ететін іс-шараларды көздеуі қажет.

85. Газбен жабдықтау жүйелерін консервациялау және жою жөніндегі жұмыстарды қауіпсіз ұйымдастыру мақсатында газды тарату ұйымдары мынадай :

- 1) жұмыстарды жобалық құжаттамалар негізінде жүргізу;
- 2) жұмыс жүргізілетін аймақта жарылыс қауіпті қоспалардың қалыптасуын болдырмау жөніндегі шараларды көздеу талаптарын орындауы қажет.

## 8. Сәйкестік презумпциясы

86. Қазақстан Республикасының заңнамасына сәйкес бекітілген, үйлестірілген стандарттардың талаптарына сәйкес дайындалған және қолданылатын газбен жабдықтау жүйелері осы Техникалық регламенттің талаптарына сәйкес деп есептеледі.

87. Газбен жабдықтау жүйелері, егер олардың талаптары осы Техникалық регламенттің талаптарынан төмен болмаған жағдайда стандарттау жөніндегі өзге де нормативтік құжаттар бойынша дайындалуы мүмкін.

## 9. Сәйкестікті растау

88. Газбен жабдықтау жүйелерінің сәйкестігін растау Қазақстан Республикасының заңнамасына сәйкес жүргізіледі.

## 10. Техникалық регламентті қолданысқа енгізу мерзімдері мен шарттары

89. Осы Техникалық регламент алғаш рет ресми жарияланған күнінен бастап алты ай өткен соң қолданысқа енгізіледі.

90. Осы Техникалық регламент қолданысқа енгізілген сәттен бастап Қазақстан Республикасының аумағында қолданыстағы нормативтік актілер оларды техникалық регламентпен сәйкес келтіргенге дейін техникалық регламентке қайшы келмейтін бөлігінде қолданылады.

"Газбен жабдықтау  
жүйелерінің қауіпсіздігіне  
қойылатын талаптар"  
техникалық регламенттіне  
1-қосымша

| Атауы | СЭК ТН коды |
|-------|-------------|
|       | 7311 00     |

|  |   |               |
|--|---|---------------|
| 1. Кара металдардан жасалған сығылған немесе сұйытылған газға арналған ыдыстар, онын<br>ішінде :       |   | 7311 00 100 0 |
| 1.1. жіксіз  |   | 7311 00 990 2 |
| 1.2. өзгелері, сыйымдылығы 1 000 л және одан астам   | 0 |               |
| 2. Кара металдардан жасалған (шойын күймасынан басқа) жіксіз құбырлар, тұтікшелер<br>және құыс денелер |   | 7304          |
| 2.1. сыртқы диаметрі 168,3 мм аспайтын   |   |               |
|  |   | 7304 10 100   |

"Газбен жабдықтау  
жүйелерінің қауіпсіздігіне  
қойылатын талаптар"  
техникалық регламентіне  
2-қосымша

## Техникалық реттеу объектілерін бірдейлендіру

1. Осы Техникалық регламентті қолдану мақсаттары үшін техникалық реттеу объектілері - газбен жабдықтау жүйелері "Экономикалық қызмет түрлерінің жалпы жіктеуіші" Қазақстан Республикасы Энергетика, индустрия және сауда министрлігі Стандарттау, метрология және сертификаттау комитетінің 1999 жылғы 5 шілдедегі N 11 Жалпы жіктеуішіне сәйкес бірдейлендіріледі.

### Кесте

| Техникалық реттеу объектісінің атауы  | Жіктеуіш атауы  | коды  |
|---|---|-------|
| 1. Газ түріндегі отынды өндіру және тарату: құбырлар жүйесінің арқылы газ түріндегі отынды тасымалдау, тарату және беру | "Экономикалық қызмет түрлерінің жалпы жіктеуіші" Қазақстан Республикасы Энергетика, индустрия және сауда министрлігі Стандарттау, метрология және сертификаттау комитетінің 1999 жылғы 5 шілдедегі N 11 Жалпы жіктеуіші | 40.20 |

2. Осы Техникалық регламентті қолдану мақсаттары үшін техникалық реттеу объектілері - газбен жабдықтау жүйелері "Қауіпті өндірістік объектілердегі өнеркәсіптік қауіпсіздік туралы" Қазақстан Республикасының Заңына сәйкес қауіпті өндірістік объектілерге қатыстылығы белгілері бойынша бірдейлендіріледі.

3. Сыртқы және ішкі газ құбырлары мына көрсеткіштер бойынша бірдейлендіріледі:

- 1) 1-санатты жоғары қысымды газ құбырлары (0,6-дан астам 1,2 дейінгі МПа-ны қоса алғанда);
- 2) 2-санатты жоғары қысымды газ құбырлары (0,3-тен астам 0,6 дейінгі МПа);
- 3) орташа қысымды газ құбырлары (0,005-тен астам 0,3 дейінгі МПа);
- 4) төмен қысымды газ құбырлары - 0,005-ке дейінгі МПа-ны қоса алғанда.

"Газбен жабдықтау

жүйелерінің қауіпсіздігіне  
қойылатын талаптар"  
техникалық регламентіне  
3-қосымша

## Сыртқы газ құбырлары мен көпірлер арасындағы ара қашықтық

| Су бөгеттері                                    | Көпірдің түрі           | Газ құбырларын төсеу кезінде газ құбыры мен көпір арасындағы көлденені бойынша ара қашықтық, кемінде, м |                                     |                           |                           |                   |    |
|---|-------------------------|---|-------------------------------------|---------------------------|---------------------------|-------------------|----|
|   |                         | Көпірден жоғары   |                                     |                           | Көпірден төмен            |                   |    |
|   |                         | су үсті газ құбырынан, диаметрі, мм   | су үсті газ құбырынан, диаметрі, мм | су үсті газ құбырынан, мм | су үсті газ құбырынан, мм |                   |    |
|   |                         | 300 және одан кем   | 300 және одан кем жоғары            | 300 және одан кем         | 300 және одан кем жоғары  | Барлық диаметрлер |    |
| Суда төсөлетін, мұз қататын                     | Барлық түрі             | 75  | 125                                 | 75                        | 125                       | 50                | 50 |
| Суда төсөлетін, мұз қатпайтын                   | Сол сияқты              | 50  | 50                                  | 50                        | 50                        | 50                | 50 |
| Суда төсемейтін, мұз қататын                    | Көп аралық              | 75  | 125                                 | 75                        | 125                       | 50                | 50 |
| Суда төсемейтін, мұз қатпайтын                  | Сол сияқты              | 20  | 20                                  | 20                        | 20                        | 20                | 20 |
| Суда төсемейтін, газ құбырлары үшін қысымдарды: | Бір немесе екі аралықты |   |                                     |                           |                           |                   |    |
| төменгі   |                         | 2   | 2                                   | 20                        | 20                        | 2                 | 10 |
| орта және жоғары                                |                         | 5   | 5                                   | 20                        | 20                        | 5                 | 20 |

Ескертпе: ара қашықтықтар көпірдің шығып тұрған конструкцияларынан бастап көрсетілген

"Газбен жабдықтау жүйелерінің қауіпсіздігіне қойылатын талаптар"  
техникалық регламентіне  
4-қосымша

## Ішкі газ құбырларындағы қысымдардың шамалары

| P/c N | Газ тұтынушылар   | Газ қысымы, МПа |
|-------|---|-----------------|
| 1.    | Газ қысымы шамасы өндірістік талаптармен шарттасқан өндірістік ғимараттар | 1,2             |
| 2.    | Өзге өндірістік ғимараттары   | 0,6             |
| 3.    | Қазандықтар:<br>өндірістік кәсіпорындардың аумағында жеке тұрған          | 1,2             |

|   |       |
|---|-------|
| бұл да сондай, елді мекендер аумағында  | 0,6   |
| өндірістік ғимараттарға жапсарлас, ішіне және шатырында                           | 0,6   |
| коғамдық, әкімшілік және тұрмыстық ғимараттардағы жапсарлас, ішіне және шатырында | 0,3   |
| тұрғын үй ғимараттарына жапсарлас, ішіне және шатырында                           | 0,005 |

"Газбен жабдықтау  
 жүйелерінің қауіпсіздігіне  
 қойылатын талаптар"  
 техникалық регламенттіне  
 5-қосымша

## Трассаның өту орнына байланысты жерасты газ құбырларының трассаларын айналып өту кезеңділігі

|          |               |   |   |  |
|----------|---------------|---|---|--|
| p/c<br>N | Газ құбырлары | Е л д і<br>мекендердің<br>құрылыш<br>салынған<br>бөлігіндегі<br>төменгі қысым | Елді мекендердің<br>құрылыш салынған<br>бөлігіндегі<br>жоғары және<br>ортша қысым | Елді мекендердің,<br>сондай-ақ кент<br>аралық құрылыш<br>салынған бөлігіндегі<br>барлық қысымдар |
|----------|---------------|---|---|--|

Қысымы 1,2 МПа-ға дейінгі газ құбырлары

|     |   |   |                                  |   |
|-----|---|---|----------------------------------|---|
| 1.  | Жаңадан салынған газ құбырлары  | Тікелей пайдалануға берген күні немесе келесі күні                            |                                  |   |
|     |   | Газ тарату үйімінің техникалық басшысы белгілейді, бірақ жиілігі:             |                                  |   |
| 2.  | 40 жылға дейін апатсыз және оқыс жағдайларсыз пайдаланылатын болат газ құбырлары  | Айна 1 рет  | Айна 2 рет                       | Жыл сайын приборлық тексерген кезде 6 айда 1 рет немесе оны өткізуіз 2 айда 1 рет |
| 2.1 | 50 жылға дейін апатсыз және қолайсыз жағдайларсыз пайдаланылатын полиэтилен газ құбырлары   | 3 айда 1 рет  | 3 айда 1 рет                     | 6 айда 1 рет  |
| 3.  | Полиэтилен құбырларын созу әдісімен кайта жаңғыртылған немесе синтетикалық матта шлангісімен қалпына келтірілген болат газ құбырлары                                | Газ тарату үйімінің техникалық жетекшісі бекітеді, бірақ мыналардан жиі емес: | 3 айда 1 рет                     | 3 айда 1 рет  |
|     |   |   | Кемінде 6 айда 1 реттен жиі емес |   |
| 4.  | Шашыранқы ток көздерінің әсер ету аймағында, агрессиялық тот басуы жоғары топырақта пайдаланылатын және ең аз электрлік әлеуеттепен қорғалмаған болат газ құбырлары | Аптасына 1 рет  | Аптасына 2 рет                   | 2 аптада 1 рет  |
| 5.  | Қорғау жабынының жойылмаған ақауларымен болат газ құбырлары   | Аптасына 1 рет  | Аптасына 2 рет                   | 2 аптада 1 рет  |
| 6.  | Электр әлеуеттердің оң және белгімен ауысатын мәндерімен болат газ құбырлары  | Күн сайын   | Күн сайын                        | Аптасына 2 рет  |
| 7.  | Қанағаттанарлықсыз техникалық жағдайдағы, ауыстыруға жататын газ құбырлары  | Күн сайын   | Күн сайын                        | Аптасына 2 рет  |

|     |  |  |                |   |
|-----|--|--|----------------|---|
| 8.  | Отырма топыраққа төсөлген газ құбырлары  | Аптасына 1 рет                                       | Аптасына 2 рет | 2 аптада 1 рет  |
| 9.  | Газ шығуы уақытша тоқтатылған (бинт, бандаж) газ құбырлары   | Жөндеу жүргізгенге дейін күн сайын                   |                |   |
| 10. | Құрылым жұмыстары жүргізілетін жерден 15 м аймақтағы газ құбырлары   | Газ құбырының бұзылу қаупін жойғанға дейін күн сайын |                |   |
| 11. | Су бөгеттері мен сайлар арқылы өтетін жерлердегі газ құбырларының жағалау участкелері  | Су тасқыны кезеңінде күн сайын                       |                |   |
| 12. | Диагностиканың оң нәтижелері кезінде 40 жылдан кейін де пайдаланылатын болат газ құбырлары                                       | Айына 1 рет  | Айына 2 рет    | Жыл сайын приборлық тексерген кезде 6 айда 1 рет немесе оны өткізуіз 2 айда 1 рет |
| 13. | Диагностиканың оң нәтижелері кезінде 50 жылдан кейін де пайдаланылатын полиэтилен газ құбырлары                                  | 3 айда 1 рет   | 3 айда 1 рет   | 6 айда 1 рет  |
| 14. | Диагностиканың теріс нәтижелері кезінде қайта төсөу немесе қайта жаңғыртуға ұсынылған 40 жылдан кейінгі болат газ құбырлары      | Күн сайын  | Күн сайын      | Аптасына 2 рет  |
| 15. | Диагностиканың теріс нәтижелері кезінде қайта төсөу немесе қайта жаңғыртуға ұсынылған 50 жылдан кейінгі полиэтилен газ құбырлары | Күн сайын  | Күн сайын      | Аптасына 2 рет  |

Қысымы 1,2 МПа-дан жоғары газ құбырлары

|     |   |             |
|-----|---|-------------|
| 16. | Жылу электр станциялары шегіндегі болат газ құбырлары                               | Айына 2 рет |
| 17. | Жоғарыда айтылған жағдайларда жылу электр станциялары шегіндегі болат газ құбырлары | Күн сайын   |